

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 10 (1908)

Artikel: [Poesias]

Autor: Cadieli, J.

DOI: <https://doi.org/10.5169/seals-882157>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>



Primavera.

Primaver' ei arrivada,
Primavera dapertut,
Silla spunda, silla prada,
Silla pézza, sin il mut.

Mira leu la caglia veglia
Paradesch' el niev vestgiu,
Che il matg ord flurs e feglia
Ha ad ella gest tessiu.

In utschi, canzuns el pupen,
Fa ses segls da rom sin rom;
Egl igniv ventira zuppen
Las fadetgnas dil cagliom.

Tgeu laghegia la viola
Ord l' umbriva viers gl' azur;
Susuront beinduras sgola
In aviul da flur sin flur.

J. Cadieli.



Stad.

Buc in suffel. — Senza veta
 La natira — stauncla, meta;
 Il solegl cun flad cametsch
 Quarcl' il frunt cun suadetsch.

Cheu sesaulz' encunter sera
 Ina nebla grischa, nera;
 Gleiti ha la serasont
 Umbrivau il horizont.

Stgira notg eninagada
 Dapertut ei secampada,
 Destedaus ei il malstemprau,
 Schula, tgiula tral clavau.

Giud il tetg in dutg tschalatta,
 Tun sin tun dals quolms rebatta;
 Ils cametgs cruschentraviers
 Ord las neblas vegnan fiers.

Von la crusch enschenugliada
 Ur' en tema la casada:
 „Sontga Barla! sogn Tschamun!
 Pertgirei nus po dal tun.“

J. Cadieli.

Atun.

Pertut tschaghera;
 Tras la pumera
 Va 'l vent tardiv,
 Ord miez la roma
 Negin che cloma;
 Vids ei 'gl igniv.

La feglia castga
 Giud stauncla frastga
 Va a dormir;
 Curdont per tiara
 Canzuns de bara
 Selain udir.

J. Cadieli.



Unviern.

Neiv e neiv!
 Tut la pleiv
 Ei da neiv curclada;
 Ge perfin
 Sin tgamin
 Ei 'la setschentada.

Prau ed èr
 E pumer
 Sut la neiv suspira;
 Buc in trutg,
 Buc in dutg
 Va tras la planira.

Senza neiv
 Ella pleiv
 Mo in liug sengarta.
 Nu' ei quei?
 Ah igl ei —
 Ina foss' aviarta.

J. Cadieli.